



20. dec. 10

Inatsisartut suleriaasiat § 37 naapertorlugu Naalackersuisunut imaattumik apeqquteqarniarpunga.

Naalackersuisunut apeqqut:

Avannaani aalisartut annaasaqarnerannut taarsiisoqarniarpaa?

(Inatsisartunut ilaasortaq Hans Enoksen, Siumut)

Tunggavilersuut:

Qaleralinniat avannaani Upernavimmi nunaqarfiinilu, Uummannami nunaqarfiinilu qassit qaleralinniaqqusaannginermik eqqugaappat? Tamaasa qaleralinniarnermut akuersissutaatillit paaserusuppakka qassiunersut.

Aalisarunnaarsitsinermi tassalu qaleralinniarnermi aningaasat aalisartunik annaaneqartut qanoq annertutigaat?

Aalisarunnaarsitsinermi suliffissuarnut qalerallit tulaassassat annaaneqartut qanoq naleqartigisut annaaneqarpat?

Aalisartut ilaatigut qaammatit pingasunngulersut isertitaqanngivissut, akiligassaminnik kinguaattoortut Naalackersuisunik taarsiivigineqarniarpaat?

Aammalu ilanngullugu puisit amiinik tunisaqarsinnaanngitsut piniartut avanersuarmi, tunumi. qeqqani, kujataanilu, qanoq Naalackersuisunik ikiorsiiffiginiarneqarpat? ilaatigummi tusarpagut qimuttoqarfinni allaat qimminut nerukkaatissaminnik amigaateqalersimasut sila ajoqattaarpallaarnera pissutigalugu, aningaasanik taarsiiviginiarneqarpat ameersinnaajunnaartitaasaqattaarnerat pissutigalugu?